

## **KATANOATA IBUKIN TE MWANE NI BUOKA**

E kukurei ami Tautaeka n katanoata ba e a tauraoi ngkai te mwane ni buoka nakoia kain Kiribati ake a bae inanon aia tai ni mwamwananga i aban tinaniku imwiin tokin kibakiba n irekereke ma butinakon te Aoraki ae te COVID-19. Te buoka aio ena ti kona n reke nakoia ake a kakoauaki bwa a bwaka iaan kainibaire aikai:

- a. Iai am bwatiboti n Kiribati, ao iai naba am ticket n okira Tarawa inanon bongin namakaina ae moa man 20 Maati, 2020.
- e. Ko nang okira Tarawa imwiin kainakin tabo n reirei ke tabo n makuri man butin te Aoraki ae te COVID-19, ke e a bae mwanangam n okira Tarawa ba a kainaki marae ni wanikiba n aba ake ko na toui iaon kawaim nako Tarawa.
- i. E mwanenaki mwanangam man te botaki teuana ma te buoka anne e a tia n toki korakorana. Ko na riai n kaoti beba n kakoaua iaon tokin te buoka are moan reke iroum ao ena teretere naba iaon te beba n kakoaua bongin te namakaina are e toki iai te buoka.

Te tia mananga ena riai n bwaka iaan karinan aikai

1. Ana taan makuri te tautaeka ake a mwananga nako tinaniku ibukin te mwakuri, imwain karaoan ana boraraoi te Tautaeka ibukin mwamwananga n tain te Aoraki ae te COVID-19.
2. Te koraki ake a bane aia mwakuri i aban tinaniku ao a tia n moana mwanangaia n okira Kiribati ao man aki kona n reitanako kibaia nako Tarawa ibukin tokin kibakiba ma kainakin marae ni wanikiba n aba ake a tiku iai;
3. Fisheries Observers ake a tiku n tatanninga kibaia nako Tarawa iaon aban tinaniku ao akea ngkai te buokan man aia kambwana ibukin tikuia;
4. Kain Kiribati ake iai irouia aia ticket n okira Tarawa ni bongin namwakaina ae moa man 20 Maati, 2020 n are kabwarabwaraki n "a" "e" ao "i".

Kain Kiribati ake a bwaka iaan karinan aika a mwaneweaki aikai, a butiaki ba ana kanoai booma ibukin karekean te mwane ni buoka aio. Te booma aio e na kona n reke man te intanete (internet) n te website ae [www.mfa.gov.ki](http://www.mfa.gov.ki) ke man ana Facebook page te Kiribati High Commission.

Kain Kiribati ake a bwaka iaan karinan aika nambwa 1, 2 ao 3 a butiaki ba ana reitaki n te tai ae waekoa nakon aia Ministries aika a kakaokoro ibukin karekean te buoka aio ao man karokoi naba aia booma nakon aia Ministries.

E riai n mataata iroun te botanaomata bwa te Karinan ae nambwa 4 e bon kaineti nakoia kain Kiribati ni kabane ake a tia n karaoi mwanangaia n okira Tarawa ke n nako aban tinaniku ibukin anga aika a kakaokoro, n aron aika inano:

- I. Ataein te reirei ke Taan mwakuri ake anang okira Tarawa imwiin kainakin taabo n makuri (ana scheme te Tautaeka) ke reirei are ana nako iai n irekereke ma butin te Aoraki ae te COVID-19.

- II. Naake a bane aia reirei i tinanikun Kiribati ao naake iaon kawaia n kaei aia anga beba itinanikun Kiribati ke naake a mwananga n kakioi tabeia i aban tinaniku inanon te tai ae uarereke (n ikotaki ma kain Kiribati ake a mwananga iaan ana botaki te NGOs).
- III. Naake a mwananga ni kitana Kiribati inanon te tai ae uarereke ni kawariia aia koraki ke raoraoria i aban tinaniku.

Ibukiia kain Kiribati ake a bwaka iaan Karinan nambwa 4, kam a butiaki ba kam na kabaei arami n ana High Commission Kiribati nakon Bitii (Fiji) ngkana ko mena iaon Bitii, ke n te Botaki n Makuri ibukin Reitaki Ma Aban Tinaniku ao Boborau (Ministry of Foreign Affairs and Immigration). Ngkana ko mena n aba riki tabeua itinanikun Bitii (Fiji). Kam a butiaki ba kam na korea ami meeri ke emails nakon email addresses aikai:

Ibukiia naake a mena iaon Bitii (Fiji): [fssuva@mfa.gov.ki](mailto:fssuva@mfa.gov.ki)  
Ao Ibukiia naake a mena n aba riki tabeua: [sas@mfa.gov.ki](mailto:sas@mfa.gov.ki)

Kam butiaki ba kam na korei taeka ae kangai: “TE RETA NI BUBUTI TE BUOKA IBUKIA KAIN KIRIBATI I ABAN TINANIKU” ke “APPLICATION FOR FINANCIAL SUPPORT TO NATIONALS ABROAD” bwa atuun ke moan ami meeri ke emails.

Inanon ami meeri ao kam butiaki bwa kam na karini baikai;

- ami booma ae a tia n kanoaaki,
- katotoon iteranibaen ami bwatibooti are oti iai tameimi (Passport Biodata),
- ami ticket n mananga ae e a tia n matoa,
- ao te reta mai iroun ami sponsor ke (te tia mwanena manangami) ngkana arona ba e atia n toki korakoran ana buoka nakoimi inanon manangami are e a rota iai mwanangam n okira Tarawa.

Ena moa wakinan te mwane ni buoka aio man 20 n Maati, 2020 ke imwiina riki nakon te bong n namwakaina are e oti n am ticket ke te tai are e oti iai ba tokin korakoran te buoka nakoimi.

Te mwane ni buoka aio e ti te arona teina bwa te mwaiti ae \$30 n tebongina te Mwane n Aotiteria ibukin buokan boon kanam. Boon tikum n te utero ena kabwakaki nakon te utero are baireaki iaan te buoka aio.

Ibukiia ake a bon karaoi babaire ibukin tikua ke maekaia (tao irouia aia koraki) ena aki reke te buoka ibukin boon aia tabo are a tiku iai ma ena ti kona n reke boon kanaia are \$30 n tebongina. Ena ti kona n reke te buoka (boon te utero) nakoia ngkana a tiku n utero are a baireaki iaan te buoka aio.

Kam rabwa.

MAI IROUN TIA KOROBOKI  
BOTAKI IBUKIN REITAKI MA TINANIKU AO BOBORAU